

**LUTRIJA BOSNE I HERCEGOVINE d.o.o.**  
**NADZORNI ODBOR**

Na osnovu člana 22. i člana 30. Zakona o igrama na sreću ("Sl. novine FBiH", broj 48/15 i 60/15 ) i člana 22. Statuta Lutrije Bosne i Hercegovine d.o.o. Sarajevo ("Sl. novine FBiH", broj 95/15), Nadzorni odbor Lutrije Bosne i Hercegovine na sjednici održanoj dana 31.03.2016. godine, donio je

**PRAVILA O DOPUNAMA PRAVILA  
IGARA NA SREĆU SUPERLOTO I JOKER**

**Član 1.**

U Pravilima igara na sreću SuperLOTO i Joker, br. 01-56-2242-5/15 od 15.12.2015. godine dodaje se član 33. a) i isti glasi:

**„PRIREĐIVANJE IGARA NA SREĆU PUTEM INTERNETA**

Uslovi za učestvovanje u igrama SuperLOTO i Joker putem interneta propisani su Uputstvom o uplati igara na sreću putem interneta.

Uplate za učestvovanje u igrama SuperLOTO i Joker putem interneta primaju se isključivo na internet stranici priređivača, odabirom ponuđenih opcija za odigravanje i potvrdom uplate igre.

Pri uplati igara SuperLOTO i Joker putem interneta, igraču su na raspolaganju opcije odabira odigravanja jednog ili više listića.

E-potvrda je elektronski zapis potvrde o uplati koja se nalazi na elektronskom računu igrača u centralnom sistemu priređivača. Elektronska potvrda o uplati (E-potvrda) je isključivi dokaz za učestvovanje u igri onih igrača koji u istoj učestvuju putem interneta. E-potvrda učestvuje u onom kolu igre za koje je njen kompjuterski ispis zapisan na optičkom mediju.

Za uplate putem interneta, igrač mora izvršiti potvrdu željene transakcije.

Jednom izvršena transakcija uplate ne može se poništiti.

Za uplatu primljenu putem interneta:

- isplata svih dobitaka evidentira se na elektronskom računu igrača početkom isplate za pojedini dobitak;
- dobitak se umanjuje za iznos poreza na dobitke prije isplate na elektronski račun ukoliko isti podliježe tom porezu“.

## Član 2.

Ove dopune pravila primjenjuju se narednog dana od dana objavljivanja u jednoj od dnevnih novina.

Broj: 01-62-717-10/16  
Dana: 31.03.2016. godine

**P R E D S J E D N I K**

**Miroslav Ćorić, s.r.**